

Kabinet bersikap melulu pinda Rang Undang-Undang, kata Anwar
Malaysian Insider
July 4 , 2013
Oleh Md Izwan

Datuk Seri Anwar Ibrahim (gambar) mendakwa Kabinet bersikap melulu dalam isu pindaan Rang Undang-Undang Pentadbiran Agama Islam mengenai penukaran agama kanak-kanak bawah umur sehingga menimbulkan percanggahan.

Ketua Pembangkang berkata sewajarnya perkara tersebut dibincangkan terlebih dahulu di dalam Kabinet sebelum ia dibawa ke Dewan Rakyat hingga mengakibatkan timbul pertikaian.

"Setakat ini kita tak tahu status Rang Undang-Undang ini, percanggahan dalam Barisan Nasional (BN) sangat nyata," kata Anwar dalam satu sidang media di bangunan Parlimen hari ini.

"Ini bukti ianya tidak dibahas dengan teliti dalam Kabinet, sama ada ia dibuat secara melulu atau tanpa perbincangan secara muafakat," tambah beliau lagi. - 4 Julai, 2013.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/kabinet-bersikap-melulu-pinda-rang-undang-undang-kata-anwar/>